



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 1. Qui possint deferre juramentum voluntarium, decisorum litis?

[urn:nbn:de:hbz:466:1-73001](#)

Not. 4. in L. 2. ff. eod. dici: *jusjurandum* (nimirum vel à parte, vel à Judice delatum) *speciem transactionis continere*, *majoremque habere auctoritatem*, quām rem *judicatam*; ubi not. quōd non dicat esse transactionem; sed tantū *continere speciem*, vel aliquam convenientiam cum transactione, nimirum in hoc, quōd sicut transactio, sic etiam istud juramentum impedit litis ingressum; ceterum in juramento litis decisorio non requiritur, quōd quālibet pars aliquid acquirat, aliquid cedat, sicut in transactione; &c. his præmissis.

S. I.

Qui possint deferre juramentum voluntarium, decisorum litis?

2103. R Esp. & si communiter dicatur, in omni actione, seu causa, quæ in judicio proponi potest, deferri posse juramentum voluntarium parti à parte; ut colligitur ex c. fin. b. t. ibi: *quamvis juramentum, quod in judicio à parte parti defertur* &c. ubi expressè sermo est de juramento suppletorio, seu litis decisivo; & L. generaliter. 12. C. de rebus credit. junct. glos. V. vel referatur: Sunt tamen personæ aliquæ, quibus id non conceditur. Primò enim *Pupillus* in suum præjudicium *jusjurandum* sine Tutoris auctoritate parti deferre non potest, per L. 32. ff. b. t. ibi: *jurisjurandi gratiam facere non potest*; 2. nec prodigus, aut is, qui sub cura aliorum est, per L. 35. §. 1. ff. b. t. 3. Minor habens curatorem, sine ipsius auctoritate; cùm delatio juramenti suppletorii importet quandam pactionem, seu contractum alienationis; quod Curatorem habenti non conceditur, L. 3. C. de in integrum restitut. Unde licet L. 9. §. quartum, ff. b. t. videatur dici, posse parti juramentum deferri à Minore, non tamen exprimitur, quōd habuerit Tutorrem in eo casu (nam, si curet, omnino potest,) nec etiam, quōd egerit auctoritate Tutoris, si quem habuit. Illud porrò universum not. quōd, qui *jusjurandum*

desert, prior de calunnia debeat jure; deinde sic ei jurabitur; & hoc *jusjurandum* de calunnia neque Patrono, neque Parentibus remitti, L. *jusjurandum* 34. §. 4. ff. b. t.

Quæstio præterea est, an parti *juramentum litis decisivum* possit deferre Tutor, vel Curator? 2. an Procurator? 3. an servus? 4. an filius familiæ? 5. an Vasallus irrequisito Domino? 6. an Empycteta? 7. an delato ab his juramento detur actio de peculio? Ad 1. Resp. quōd sic; ex L. 17. §. 2. ff. b. t. si Tutor, qui tutelam gerit, aut curator furiosi, prodigive *jusjurandum* detulerit, ratum id baberi debet; nam & alienare res & solvi eis potest: & agendo rem in judicium deducunt; sed hoc intellige solūm deficientibus omnibus aliis probationibus, ut dicitur L. 35. ff. eod. Ad 2. Resp. posse, si habeat mandatum speciale; 2. si datus sit in rem suam; 3. si habeat administrationem omnium bonorum, vel datus sit cum libera, per L. 51. §. 3. ff. eod. ibi: *Procurator quoq[ue], quod detulit, ratum babendum est*, scilicet si aut universorum bonorum administrationem sustinet, aut si id ipsum nominatum mandatum sit; aut si in rem suam Procurator sit; modò prudenter judicare possit, id fore gratum, ac utile domino; non autem datus cum mandato generali ad litem; cùm in dicta lege sit prætermisus; & præsumitur solūm datus ad petendum; non autem ad aliud, v. g. transigendum, deferendum.

Ad 3. & 4. Resp. si careant administratione bonorum, non posse; per L. 7. C. b. t. ibi: *nec filius, nec quisquam alius, nec litigando, nec pacificando, sed neg[are] jusjurandum citra voluntatem domine, ei deferendo, prejudicium ei facere potest*. Dixi, si careant administratione propter L. 2. ff. eod. ibi: *servus quod detulit, vel juravit, servetur, si peculii administracionem habuit*; ubi tamen textus intelligitur de administratione rei *pecularis*. Ad 5. Resp. posse, si non agatur de alienatione rei *feudalis*; nam extra hunc casum sicut possunt alia (*compromittere, transferre*,

gere, &c.) ita poterunt & illa. Ad 6. Resp. quod sic, sed non aliter, quam possit alienare. Ad 7. Resp. si sermo sit de juramento à servo, vel filiofamilias delato parti, & hæc juravit dari actionem contra dominum de peculio; contra Patrem autem non tantum de peculio, sed etiam, si in re alia; discrimen hoc inter servum, & filiumfamilias exponitur L. 3. §. 5. & 9. ff. de peculio.

§. 2.

Quibus deferri possit juramentum litis decisorum?

2106. Questio procedit de juramento voluntario? Resp. regulam generalem tradi L. 26. ff. b. t. ibi: *qui jurasse dicitur, nihil refert, cuius sexus, etatisve sit; omni enim modo custodiri debet jusjurandum adversus eum, qui contentus eo, cum deferret, fuit: quamvis pupillus non videatur perjicare, quia sciens fallere non videtur.*

Ex hoc textu deducunt aliqui, juramentum litis decisivum etiam pupillo deferri posse; huic tamen opponitur L. 32. ff. b. t. § 2. ibi: *pupillo non desertur juramentum.* Sed hoc videtur intelligendum de judiciali; cum non habeat legitimam personam standi in judicio; illud autem de voluntario, si acceptet; nam, si pupillus juret extrajudicialiter, tenebitur quidem juramento; non tamen videtur referri posse.

2107. Dubium autem primum est, an juramentum litis decisorum, & voluntarium servo deferri possit? 2. an filiofamilias? 3. an Procuratori? 4. an Extraneo? 5. an eundem effectum præstet juramentum voluntarium, quando deferens contentus est parata alterius voluntate, quam, si re ipsa foret emissum? 6. quem effectum præstet juramentum delatum quidem, sed iterum revocatum? 7. an deferens juramentum voluntarium teneatur illud remittere prævidens alterum commissum esse perjurium? 8. an juramentum voluntarium possit impunè recusari? 9. quid agendum, si deposito juramento pa-

teat jurantem peierâsse? Ad 1. Resp. posse; nam, si deferens exinde documentum subeat, imputare sibi debet, quod juramentum litis decisorum voluntarie detulerit servo; posse autem deferri servo, habetur L. 23. ff. b. t. ibi: *si servus juraverit, Dominum dare non oportere: exceptio Domino indulgenda est: sibique adversarius imputabit, qui servo detulit jusjurandum;* & L. 25. ff. eod. ibi: *sed & si servus meus, delato, vel relato ei jurejando, juravit, rem Domini esse, vel ei dari oportere: puto dandam mihi actionem, vel pacti exceptionem, propter religionem, & conventionem.* Ad 2. Resp. patiter, quod sic; ex L. multò magis 24. ff. eod. ibi: *multò magis proderit patri religio filii, cum quo etiam judicium confiseretur potest.* Ipsi autem referentes conditio nem eorum, quibus subjecti sunt, non faciunt deteriorem. Ad 3. Resp. affirm. ex L. jusjurandum 32. ff. eod. §. 3. ibi: *Procurator non compellitur jurare: nec defensor, & ita Julianus scribit lib. 10. Digestorum, defensorem jurare non compelli: sufficeret ad plenam defensionem, si paratus sit judicium accipere.* Ad 4. videtur negandum; quia nobis per extraneum actio non acquiritur; quod verum est directe; si autem pars etiam extraneo deferret juramentum pro altera parte, videretur cedere juri suo, & consequenter si is, pro quo juravit extraneus, deinde conveniretur à parte, quæ in alterius favorem juramentum extraneo detulit, possit illi opponi lis decisa per juramentum extranei saltem ex præsumpta cessione juris prætensi.

Ad 5. Resp. effectum decisivum litis 2108. non competere juramento voluntario à parte non delato; bene tamen delato, si deferens contentus sit sola voluntate alterius ad jurandum parata, intra tempus, ad quod delator restrinxit. Ratio primæ partis est ex L. 3. ff. de jurejando, ubi hæc verba Prætoris (*si is, cum quo agentur, conditione delata juraverit, cum quo agetur, accipere debemus ipsum rem*) sic exponit Ulpianus: nec frustra adjia-